

علوم اقتصاديه و اجتماعيه مجموعه لکاري

مرايڪ بريجي - ڪوئي نيشنل يونيورسٽي

امپوسٽري

احمد شيب، ضاؤون بين، محمد هادي

مديريت

ديوان محاسبات واپورلري - رحيم حسين - صاحب
اخلاق: بديع نوري - - محررات عمليه صدي علي

مدير و صاحب امتياز

محمد هادي

لکھنؤ: ۱۰ غروشي

استانبول

امور اداره و تحريره: طيف مطلق

۱۳۲۷

مباحث اخلاقيه

۳

مختلف سالک ائمہ رقیہ

اخلاق عملی ایله اخلاق نظریہ تک حدودی حقنہ ایشاحات سالفہ فی اعطا ایتدکن صکره اخلاق نظری یعنی علم اخلاق حقنہ ایراد ایدلمش اولان مختلف مسلکری ، مختلف نفاط نظری تدقیق ایدلم :

اخلاقک موضوعی هر زمانده ، اعمال واعتیادات بشریہ نک حق وظیفه ، خیر ویاشر ، فضیلت ویا ، رذیلت ایله مناسباتی تدقیقدن عبارت اولمش ایسده بوتدقیقاتی مؤلفر ایکی مختلف نقطه نظردن یوروتمشلردر . بناءً علیه تفرعاده کی اختلافات نه اولور اولسون بوبایده اخلاقیون ویا فلسفه اخلاقیه باشلیجه ایکی مسلکه ، ایکی بویوک صنفه انقسام ایتمشدر . برنجیسی بشریتده فعلاً موجود واوصاف وخصائص طبعیه دن نشئت ایتمش اولان صفات وحادثات اخلاقیه بی علماً تدقیق ایتک . خلق (ایکی ایلک حرفلرک اوتره سیله) اولجده کوردیکمز بی بر طاقم افکار ، اعتقادات ، حییات ومیلانات طبعیه دن وبونلرک نتیجه سی اولان قسم مکیندن عبارتدر .

ایشته بونلرک اشکالی ، اسباب ونایجی تعین وتدقیق ایتک نطقه مندن حرکت اوزنور . بونوع مطالعات ، ویاخود بوتقطه نظردن تدقیقات ایله علم اخلاق طوغریدن طوغری به علم الروح ایله وعلم حکمت اجتماعیه ایله کسب ارتباط ایدر ، وخلق بشریتک تدقیقات تحلیلیه وتاریخیه سندن عبارت اولان بو قسم مطالعات اخلاقک علم الروح اجتماعی قسمی تشکیل

ایلر . بونقطه نظر دن اولان تدقیقات ، صرف تدقیقات علمییه در . فایه سی
 اخلاق بشریه بی اصلاح واکاله دکل ، بلکه یالکز تدقیق و تبعه منحصر در .
 بوراده ، بوتون علوم حقیقه ده اولدینی کی ، اصل و اساس اخلاقیك
 نه اولق لازم کله چکی تحری اولماز ، بلکه اخلاق موجوده نك ماهیتی
 تتبع اولنور ؛ آز چوق خیالی و وهمی اولان فایه خیال دکل ، فقط
 حقیقت موضوع بحث اولور . بناء علیه بوراده بشریت ایچون اك مناسب ،
 اك مقبول خط حرکت تحری ایدلر . مع مافیه اخلاق بشریه نك
 ماضیه کی تکاملنك نه کی قانونلره تابع اولدینی آکلاشلق نتیجه سی
 اولوق بر درجه یه قند آتیده کی طرز تکاملنی ده کشف ایده ییلور ،
 و بویه لکله بو مغولما تمزدن ، بو کشفیاتمزدن بزم ایچون منسب بر طرز
 حرکت و معیشت اختیار ایتك اوزره بر استفاده مادیه و مستقبله اقتطاف
 ایلیه ییلورز . ذاتاً بوتون علوم و فنون ده بوکا بکزر نتایج عملیه و فعلیه
 احضار ایدرلر . فقط بوتطبیقات ، استنتاجات اصل علم دکلدر و اساساً
 بونلر مباحث علمییه نك خارجنده قالور .

مع مافیه بك چوق فیلسوفلر علم اخلاقك تحریاتنك صورت قطعییه ده
 بونقطه یه انحصاری قبول ایتمه مشلر در . بو طرز تلقی بالخاصه عصر حاضر
 سوسیولوغلرندن « دورخایم » طرفندن قبول ایدلشدر مومی الیه علم
 اخلاقی بوتون مافوق الطبیعیاتدن و فرضیاتدن مجرد بر علم مثبت اولق
 اوزره تأسیس ایتك طرفداریدر . « سپه نسر » ده بو فکرده ایسه ده
 اخلاقی صورت قطعییه ده بو دائریه حصر و علوم مثبتیه حالته ارجاع
 طرفداری دکلدر .

علم اخلاقی ، صرف اخلاقیات موجوده نك تدقیقندن عبارت بردائریه
 حصر ایتك فکرنده اولانلرك مطالعه سنه کوره انسانلرك اخلاقیاتی ،
 منحصر آ یاشادقلری محیط مادی و اجتماعینك شرائط ضروریه سنك
 محصولی اولدینی ایچون بونلره بر طرز و خط حرکت تعینی بیهوده در .

بناءً عليه بونلره نظراً اخلاق تأسيس ايدن بر علم يوقدر ، بلكه اخلاقيات موجوده نك تدقيقاتدن باحث بر علم واردر . يعنى علم اخلاق ، اخلاك علم وتعلمندن عبارتدر ، يوقسه علمك شعبه اخلاقيه دكلدر . نته كيم ادبيات ده ؛ ادبيات موجوده نك ، ادبيات موضوعه نك علمندن عبارتدر . يوقسه ادبيات وضع وتأسيس ايدر بر علم دكلدر .

بونلره كوره اخلاق ، ادبيات ودين كبي ، بر حادثه اجتماعيه در . بو ، بر طاقم توانينه تبعاً تكامل ايدر . ايشته اخلاك علمي ده بودرجات تكاملي تدقيق وقوانين تكاملية اخلاقيه يي كشف و تحريدن و هر هاتيكي بر محيطنده ، بر مرحله سنده كي مناظر و حادثات اخلاقيه يي مشاهده و تبیین عبارتدر .

اخلاقون قديمه نك و اكثر اخلاقون جديده نك فكر و مطالعه سي بوسبوتون بشقه در : بونلره كوره علم اخلاك اخلاقيات حاضره بشريه ايله مناسبتى نه درلو و درجده اولورسه اولسون ، بونك غايه سي انسانلره دها اي ودها مناسب بر طرز معيشت و خط حركت تعيين ايتمكدن عبارتدر . بناءً عليه علم اخلاق هر شيدن اول بر علم عمليدر ، و يا خود ايلك اول « ووند » طرفندن تكليف ايدلديكي كبي . بر علم ناظم اخراكتدر Science normative حتى بوسف علومك برنجيدى و باشايجه سي . ديكر لر نك اساسي طوتان و تشكيل ايدنى در . ايشته علم اخلاق اينجون بودائرة وسيعه اخذ و قبول ايدلديكي كبي علم اخلاق ؛ حتى خط حركت دكل ، بلكه قوانين تدقيق ايدن ، غايه خيال دكل ، بلكه حقيقت تحري ايلدين سائر علوم ايله قاريشور . بو صورتده اصل اخلاق ، حكومت طرفندن مجبوريت اجراسى تكليف اولنه ميه جق اولان اخلاق وظائف اجتماعيه سائر مياننده نابديداولور . « ستو آرت ميل » ، « علوم اخلاقيه نك منطقي » نام اثرنده بويانده ديركه : « معلومات اخلاقيه و يا خود علوم اخلاقيه تعبيرى تحتده ، نتايحي صيغه اخباريه ايله دكل ، فقط صيغه امريه

ایله ویا بونلرک معادلی صیغ مرکبه ایله افاده اولنسان بر طاقم تدقیقات و تحریات قصد ایدلمک معتاد اولمشدر. حالبوکه صیغه امریه علمدن آری عد اولنان فن ویا معرفتله خاصدر. هرشی که، صیغ ماضیه وحاضره ایله دکل، بلکه برطاقم وصایا ایله، برطاقم اوامر ایله افاده اولنور؛ بو، فن و معرفتدن بشقه برشی اوله ماز؛ بناء علیه فن ادب ویا اخلاقده طبیعت بشریه واجتماعیه علومنه متعلق فن و معرفتک بر قسمندن بشقه برشی دکدر. «استورات میل، بومطالعادتدن صکره علی العموم فن ایله علمک شرائط غنومیه سنی تدقیق ایتکی متعاقب، اخلاقی فک بر قسمی دکل، فقط، حقیقت حالده فک، طبیعت بشریه واجتماعیه دن باحث فنونک، اساسی و ملتی اوزره اخذ و قبول ایدیور. دیورکه: «هر فک علمدن مأخوذ اولمیهرق ایلمک اساسی، بر کبراسی واردر؛ بوده اوفنده تعقیب اولنان مقصدی افاده و آئی حسن قبول ایتدیرندر. فن انشا، بنایه مالک اولنک شایان آرزو اولدینی اساسی وضع ایدر؛ فن معماری ایسه بوبنانک کوزل ویا جیم وکوسترشی اولسی اساسی وضع ایلر. صیغه امریه ایله افاده اولنان فن صحت ایله فن طبابت، برسی صحتک محافظه سنک، دیکری امراضک تشفییه سنک ائی وشایان آرزو غایه لر اولدینی بیان ایدرلر. بونلرک هیچ برسی موضوعات و عبارات علمیه دکدر. عبارات علمیه نقاط فعلیه و واقعیه ای افاده ایدرلر. عبارات فیه ایسه برشیئی اولن طرزنده افاده ایتزلر، بلکه وقوعنه تشویق ایچون امر ویا نصیحت ایدرلر. اولمیلدر، ویا اوله بیلور، تعبیریه افاده اولنان جمله لر؛ اولمشدر ویا اوله جقدر. تعبیریه افاده ایدیلن جمله لدن اساساً فرقلیدر. واقعا برنجی کلمه لرده واسع بر معناده اخذ و تلقی اولنورسه بر امر واقع کبی برشی افاده ایتلمی ده محتملدر، مثلاً توصیه اولنان خط حرکت، بونی سوبلیه نک ذهنتده بر حسن تحسین و تصویب اویاندیرر. بوضورتله بوراده کی امر ویا نصیحت، واقع کبی بر تاثیر

حاصل ایده یلور. فقط بوا، اساسی اخلاص ایتمز. چونکه بونی سویایه نك، امر ایدنك تصدیقی بشقه رینك ده بوامر ونصیحتی تصدیق و قبول ایتمی. ایچون بر سبب کافی تشکیل ایتمز، حتی بو تصدیقی افاده ایدن ایچون ده تمامیه قناعت بخش اوله ماز. فعلیات نقطه نظرنده، بو امر قناعته تحول ایتمك ایچون هر کس سبب تصدیق و تحسینی تعیین وایضاح ایده بیلمه لیدر. بونك ایچون ده تحسینی ایجاب ایتدیرن مواد اصلیه نك و بونلرک صورت حدوئنك نلردن عبارت اولدیغی تعیین ایدن مقدمات عمومییه مالکیت ایجاب ایدر. ایشته بو مقدمات عمومییه، اندن استنتاج اولنه جق نتایج اصلیه ایله برابر، برطاقم قواعد تشکیل ایدرلرکه بونلرده « فن حیات » در. بوفن، سائر فنونك اکا تابع اولدقلری برفندر. چونکه بونك اساسلری، هر فن خصوصینك بشر ایچون لازم وشایان تتبع اولوب اولدیغی و بوسلسله لزوم آره سنده اشغال ایتدیگی موقعی تعیین واحضار ایدن اساسلردن عبارتدر. بناء علیه هر فن، « علم الغایه » دینلن و آلمانلرک « معقولات مجربه قواعدی » دیدکلی قواعد عمومییه ایله علمك کشف و اظهار ایتدیگی قوانینك محصول ترکبدن عبارتدر. استوارت بومطالعاندن صکره بوجه آتی استنتاجده بولونیور: « بناء علیه نصل علمه خاص بر « فلسفه اولیه » واریسه فنه خاص « فلسفه اولیه » ده وارددر. یالکز معلومات بشریه میساننده دکل، بلکه حرکات و فعلیات آره سنده ده برطاقم اثباته محتاج اولمیان بدیهیات اولیه موجوددر. ایشته اخلاق اک واسع معناسنده اخذ وتلقی اولتنجه فنه مخصوص اولان بوفلسفه اولیه دن، بوافعال و حرکاتده کی بدیهیات اولیه دن ویا نظریات غایه دن، خلاصه هر برت سببمرك اصل علومه مقابل عد و آنلردن تفریق ایتدیگی بوفن حیاندن عبارتدر. [۱]

[۱] فن حیات ایله علم الحیاتی بربرندن تفریق ایتلیدر. علم الحیات، حیاتك وتكامل حیاتینك تابع اولدینی قوانینك تدقیقاتدن عبارت اولقی حسیله

مع مافیه اخلاقك؛ بری خلق و اخلاقیاتك حكمت روحیه اجتماعی-مندن
دیگری اخلاقیاتك علم الغایه-مندن عبارت اولان برایکی طرز تلقیدی
اساساً بر بریله غیر قابل تألیف دکلدر. بونلرك هر ایکیسی ده عین زمانده
موجوددر، و حتی یکدیگری تمیم ایدرلر. اخلاقی، جمعیتلرك سوائق
روحیهسی نقطه نظریله تدقیق و تابع اولدینی قوانینی تحری نه قدر مهم
والزم ایسه؛ بوسوائق روحیهی برغایه خیالیه ایصال، بوکا ایستیلن
ودها مناسب کورولن بر استقامت سیزی اعطا ایچون جمعیتده شرائط
معینه استحصال خصوصیاتك هر ایکیسی ده باشلی باشه بر بحث مهم و بر
شعبه علمیه تشکیل ایدن علم اخلاقك موضوع بحث و اشتعالی اوله بیلور.
فقط علم اخلاقك ایکنجی معناده استعمالی دها رایجدر، و انحق بوهده
طوغری حرکت ایتمکله علم اخلاق، حکمت اجتماعیك بر فرعی حالندن
چیقه رق بر علم و یا بحث مستقل تشکیل ایده بیلور.

و فی الحقیقه همان بوتون اخلاقیون، مطالعات و تدقیقاتلرنده بویکی
نوع تحریاتی مزج و توصیه ایتمش و بعضیلری ده کندیلرنجه مناسب
کوردر کلری طرز تمیشی بیان و افاده ایچون بعضاً اخلاقیاتی تلقیات ذاتیه
و یا روحیه طریقیله و یا خود تلقیات خارجیه و یا اجتماعیه صورتیله تحایل
ایتدکن، بعضاً ده بالعکس استدلالی و یا تجربی صورتلره کندی نقطه
نظرلرینه کوره بر طرز معیشت تعیین ایلدکن صکره اخلاقیات بشریهك
تمایلاتنه کوره بوندن بشریت ایچون شایان توصیه و استفاده نصیحتلر
و قاعدلر استخراج ایتمک صورتیله بوتحریاتك ایکی قسمی بر برلریله
قاریشدیرمشلردر.

بر علمدر. قواعد و قوانین مثبت و قطعیه تحری و وضع ایلر. فن حیات ایسه بو
قوانین تحتنده سیر ایدن حادثات حیاتیهك اظهار ایتدکلری افعال و حرکات
خاریهك قواعد و اصولندن باخدر. برنجیلری بالکز تدقیقاتدر، قواعد قطعیه
و ضروریه تحریاتیدر. ایکنجیلری عملیات و تطبیقاتدر، قواعد حرکت امر
و توصیه لریدر.

مع مافیه خاصهٔ اخلاقی تسمیه اولئان صورت خارجنده بر طرز حیات ؛ یعنی بر نوع اخلاقدن ، قواعد اخلاقیه دن معری بر طرز حیات ومعیشت ده فرض وتصور اولنه بیلور . فی الحقیقه اخلاقیات بشریه بی وجدان فردیده کی تجلیاتی نقطه نظرندن ، کرک وقوعات متحدئه تاریخیه ایله استمهاده ایدرک تدقیق ایدرک نظرند فووق المعاده تحوله میال ، حتی بعضاً یکدیگریه مناقض ومابین اشکال مختلفه اخذینه مستعد بر صورتده مشهود اولان خلق (ایکی اوتره) و اخلاقیاتک [۱] بو تحول وتبدلک اسبابی ایضاح ایده جک بر قانون عمومی به تابع اولمدقبرخی فرض وتخمین ایده لم . بو تقدیرده تدقیقات اخلاقیه دن طرز حیاتک اصلاحی ایچون بر نتیجه عملیه اقتضای ممکن اوله ماز : بو ، مسلک ریئی اخلاقدر . واقعا بو مسلکدهده بر طرز حیات فنی تصور اولنه بیلور ، او شرطله که بو فک اساسلری قواعد اخلاقیه خارجنده وآندن منفکدر . اخلاق دیدیکمز قابل ، صلاح ، غیرک خیر ومنفعته خادم فطرت بوراده موضوع بحث دکلددر . تمایلات بشریه حسیات اخلاقیه بی ستر واحما ایتشددر . آریستوتدن اول یتشه ن فیلسوفلرک مسلک ریئسی ایله « حظ اخلاقی » نک مؤسس بنغازیلی « آریستپ » ک تأسیس ایتدیکی مسلک اخلاقی وحی دهاکره تأسس ایدن « مسلک نفی » نک اساسلری بوندن بشقه برشی دکلددر .

« حظ اخلاقی مسلکی » Hédonisme فعالیت بشریه نک بوتون محرک لرخی حظوظ ویا آلامه اسناد ایدر ، ومنفعت شخصیه دن منافع عامه وحب غیره وحی وظیفه قدر سائر سوانق افعال بشریه بی بو اساسه ارجاع ایلر بر مسلک اخلاقدر هر برت سپنسر بومسلک حظنک اساسی بروجه آتی تعریف ایدر : « حظ ؛ هر نه نوعدن اولورسه اولسون ،

[۱] تحولات اخلاقیه نک درجه ونوعی حقنده بر فکر استحصالی ایچون « تحولات فکریه » مقاله لرمزه مراجعت بوورولسون .

هانکی زمانده اولورسه اولسون، هانکی موجود ذی حیاته (یعنی افراد حیاتیّه) ویا موجودات ذی حیاته (یعنی هیئات اجتماعیّه) عائد بولورسه بولسون ایشته اخلاقك، خلقك عنصر اساسیی بودر. موجودیت قضایه معینیت فکریه وذهنیه ایچون نصل الزم ایسه معینیت و شخصیت اخلاقیّه ایچون ده بو عنصرك اهمیتی بو درجهده در. «بو واسع معناده اخلاقی و تاقی اولتنجه مسلك حظی برقاج مسلكی احتوا ایدر: اصل مسلك حظی، مسلك نفعی Utilitarisme و مسلك خیری Eudémonisme فی الحقیقه بو اوچ مسلكك اوچندهده حرکات بشریهك سائق اخلاقیهیی حیاسیت بشریهده یعنی حظ و آلامده آرامق اساس عمومی موجوددر و بونلرك هر اوچی ده غایه خیال اخلاقی ویا قانون اخلاقی بی هر نوع حظوظ و آلامدن مجرد اوله زق عقل سلیمده آرایان «قانت» ك مسلك اخلاقیسه مقابل و آكا مخالفدر. مع مافیه بو اوچ مسلك آره سنده کی جهات جامعهك موجودیتله برابر بعض کونا فروقات مخالفده وارددر: تاریخده بنغازیلی «آریستپ» ك فلسفه سیله اراه اولنان اصل مسلك حظی به کوره بشر ایچون خیر اخلاقی یا لکزر حظ حاضر و موجوددن عبارتدر؛ آتیده کله جك بر خیر امید، اندیشه لر ایله مالا مالدر، چونکه مستقبل غیر معیندر. بناء علیه بو فلسفه به کوره شمدی موجود اولان، اك یقین و اك شدتلی حظی استحصال ایتایدركه آریستپ بونی «حال فعالیت و حرکته بولنان حظ» تعبیرله افاده ایتشددر. بو فلسفه اخلاقیّه هر نوع احتیاط و بصیرتی، استحصال حظوظ بختده اعتدالی رد ایدر: حیاتك بوتون سائق لر یی سوق طبیعی به و احتراصاته حصر ایدر.

مسلك نفعی ایسه، بالعکس، عقله و اختیاره بویوك بر حصه اهمیت ویرر: استحصال حظ امانی، بو حظك غایه سی اولماق اوزره بر منفعت ویا فائده تحریسی لزومی سرد طریقله تعدیل، یعنی حظوظاتك بویوك بر قسمی بویوك بر قسم آلام ملحوظه مقابلنده تنقیص ایلر. بو مسلكه

کوره بر حرکتی اختیار ایتزدن اول بو حرکتک کتوره جکی منفعت ایله ابراث ایده جکی مضرت مقایسه ایدملیدر : اکر نتایج لذیذده سی آجی نتیجه لرینه غالب ایسه بو حرکت ایی ، و بالعکس ایسه فئادر . مع منفیه تقدیر نتایج خصوصنده اخلاقیون اختلاف ایدرلر : « بنتام » کوره حظوظات مقدار جهتیه بربرندن تخالف ایدرلر ، ستوآرت میله کوره تقدیرنده حسابیت بشریه نك حاکم اولدینی کیفیت کوره تعین ایدر .

مسلك خیریده ایسه غایه اصلی مسعودیتدر ؛ مسعودیت ، واقعاً حظ ایله قائم ایسه ده هر حالده عقل سلیم ایله تقدیر اولنان حد و درجه یی تجاوز ایتملیدر . اساساً بوتون خواص و قابلیات نك استعمالی بالنتیجه برحظه منجر اولور ایسه ده اك مكمل و اك طوغری حظ ، یعنی سعادت حقیقیه یی بخش ایدن حظ ، اك علوی خصائل و قابلیات نك منتظم و معتدل بر صورتده استعمالنده در . بومسلك بوراده آریستوتلک « فضیلت » مسلكی ایله کسب اتصال ایدر .

ایسته اساس اخلاقییه دائر اولان نقاط نظرده بو اختلاف سببیه اخلاقه - بوراده کی اخلاقدن مقصد فلسفه اخلاقیه در - فن معیشت ، فن خط حرکت کبی يك مبهم ، يك غیر معین تعییرات استعمال ایتمه دن ، هر حاله وزمانه مطابق بر تعییر بولمق مشكلدر . اکر ، چوق وقت یاپلدینی کبی ، بونی علم فضیلت ، علم الوظائف ، علم تعلیم خیر ، فن شرائط سعادت ، فن مسعودیت کی اسملرله تسمیه ایدر سهك بو تعییر یا بوتون مسالك اخلاقیه نك تعقیب ایتدکلی مقاصدی اجمال ایده جك و هبته عام اوله جق درجه ده افرادینی جامع اولماز ، و یا خود هر بر مسلك اخلاقی طرفندن آیری بر معنا وحسده تلقی اولنور . چونکه خیر ، وظیفه ، فضیلت کلمه لری مثلاً « قانت » و « بنتام » کوره عین معنایی حائر دکلدردر . فرضاً بنتام نظرنده اخلاق مسعود اولمق فی ایسه قانت نظرنده

بالعکس مسعودیتله اصلاً علاقه دار دکدر، و صرف وظیفه یه تعلق ایدر بر علمدر .

ایشته بو اختلاف نظره ، دهها طوغریسی اخلاقده هر ایکسیده اهمیت عظیمه یی جائز اولان بو ایکی نقطه نظری تألیف لزومه مبنی اخلاق « اخلاق نظری » و « اخلاق عملی » نامیله ایکی قسمه تقسیم ایتک، اکثر مؤلفارجه ، معتاد اولمشدر . بو ایکی قسمک معناسی و اشتغالاتی و درجه شموانی مقاله سابقه ده تفصیل ایتمشیدک. اخلاق، بشر قدراسکی ایهده علم اخلاقی تأسیس شرفی « سقراط » میسر اولمشدر . بوسیدن ناشی موسیو بورتو سقراطه « علم اخلاق مؤسی » نامی اعطا ایدر . اولوقته کلنجه یه قدر اخلاق یونانستانده دیانت ایله قاریشیق و یا خود بر طاقم نصایح غنیه شکلنده طاعتق بر حالده بولونیور ایدی . سقراطه تقدم ایدن علمای فلاسفه - که بونلره مؤخرأ سفسطه پردازان اطلاق اولمشدر - اخلاقده بر طاقم تصادفات و اعتقادات باظه دن بشقه برشی بولمالمشدر . سقراط اخلاق طبیعت بشریه اوزرینه مؤسس اولدیفی و بناءً علیه بر علم ، حتی یکانه والزم بر علم شکلنده تصور ایدمک لازم کلدیکنی افاده ایتمشدر . سقراطه کوره بر طاقم حقایق اخلاقیه موجوددر که هر روح بشری کندیسنده بونک حس قبل الوقوعی بولور ، بوعلم مضمره فطره واقفدر : کندیسنه خاص اولان بر اصول ایله بو حقایقی بولوق ، تعبیرات عمومیه تحتده افاده ایتک ، بر سلسله تحتده بونلری تنظیم و ترتیب ایتک علم و یا خود فلسفه نك وظیفه سیدر . ایشته حقیقت اخلاقیه بودر ، و آنک ایچون سقراطک نظر نده اخلاق ، علم و فضیلت تماماً بر برینک مرادفی اوج کله در .

سقراطک بو فلسفه - نی افلاطونکی تعقیب ایتدی . سقراطک دیگر شاگردلی آیری مکتب اخلاقیلر تأسیس ایتدیلر : مثلاً بالخاصه

فلسفه ایله اشتغال ایدن « آنتیستهن » مذهب کلپی ، اخلاق ایله اشتغال ایدن آرسنپ مسلك خطپی ، « پیرون » ده « مذهب ربی » نی تأسیس ایتدیلر . کلیون فضیلتدن بشقه ای بر شی اولمدینی بهانه سیله بوتون آداب اجتماعی رد واهمال ایدرلر ایدی . آنتیستهن صکره دیوزن ، و آنک شاکردی « قرانهس » و زوجہ سی « ایپارشیمازونه آ » ، « اژین » شهرلی « اوندزقربت » ، ایپارشیانک برادری ستروقلس ، سیراکوزہ لی مونیم ، مہندم و مہنپ مذهب کلیونه منسوب ایدیلر . بوصورتله کسب تعمم و انتشار ایدن مذهب کلپی ، مؤخرآ آشاغیده کوروله جک اولان تحمل Stoïque مسلکته منقلب اولمشدر .

افلاطون استادینک مسلکنی تعقیب ایتکله برابر آنی اساسی بر صورتده تحویل ایتمشدر چونکہ افلاطون اخلاقی کندئ کندینه ایضاح اولمغه کفایت ایدن برکل ، بر اصل اوله رق تلقی ایدہ جک یرده دها واسع و دها عالی بر علمه ، یعنی موضوع بحثی بشر و اشیا ی بشریہ دن عبارت اولیوب عموم حقایق و ممکنات شامل اولان « علم الفکر » تابع قیلمشدر بناءً علیہ حقایق اخلاقیہ موجودیتک قانون عمومیتک بر شکل خصوصیتیندن بشقه برشی دکندر . بزم خارجمزده اولدینی کبی بزده ، داخلمزده ده هر شی محسوسک معقوله آرزوق مکمل صورتده اشتراک ایتسیله ، اشیا ی موجودہ نک فکر ایله آرزوق ادراک اولمسیله ایضاح اولنه یلور فضیلتکار آدم روحندہ « خیر » ک غایه فکریه و یا خیالیہ سی نتیجی ایتدیرندر ، و بوتجلیک ضروری و کافی صورتده تحقق تصور خیرک علمنی تشکیل ایدر و یا خود بوتون تصورات و تشکرات بر برلرندن لایفک اولدقلری ایچون هپی بردن علم الافکاری و یا فلسفہ نی تشکیل ایدر و معقولانه عائد اولان بوتون افکار کبی اخلاقیات و فضائل سائر اشیا ی بشریہ ایله برابر بوراده بر برینه قاریشور .

افلاطونه نظراً کاشاتک خالق ، یعنی نظام و انتظامی ماده صلبیه

ادخال ایدن جناب حق هر شیئی شرمغلوب اولمق اوزره تشکیل ایتشد .
 فضیلت ، بشرک خالقنه تقلیددن ، یعنی خالقنه بکزه مک ایچون صرف
 ایدم چکی مساعیدن ، یا خود افعال و حرکاتی بوتون خیرک حاکمی اولان
 عقلک نصایحنه توفیق ایتمکدن عبارتدر . بناء علیه یالکزر بفضیلت واردرکه
 اوده درت قسمه انقسام ایدر : حکمت ، جسارت و یاثبات ، اعتدال ،
 قناعت و یاعدالت ؛ فضیلت ، بزی منافع حسیه مزک یوقاروسنه اعلا ایدن
 و کمال سربستی ایله اجرا اولنان افعال سهل الایفا و یامساعی مصروفه در .
 افلاطون بوقفه مدن حرکت ایدرک سیاستی ده قانون اخلاقینک بر تطبیق
 عظیمندن عبارت عد ایدر ؛ چونکه حکومت ، بر کتله بشری عین بر
 قانون تحتندم جمع ایدر ، غایه سی سربستی و وفادر . خیر ، عقل
 واسطه سیله تأمین انظام اولسنه کوره لدی الحاحه بطش و شدتی حائز
 فقط هر وقت مشفق و حمایتکار اولان حکومتک لزوم موجودیتی بونکله
 تحقق ایدر .

افلاطونک درسلمی اطرافنده زمانک الک متفقد واک مشهور سیلمی
 و بالخاصه آقسنیوته و لاسته نی کچی بر جوق قادینلر طویلانمش ایدی . الک
 بیوک شا کردی یکرمی سنه مدت آندن تلمذ ایدن و بیوک اسکندره
 مرسیلک وظیفه سی درعهده ایلمن سقراط اولمشدر .

یونان قدیمک ایلمک فلسفه اخلاقیه مکتبلمی اخلاقک منبعی قلب
 و اراده ده دکل ، بلکه علم و فلسفه یی یکنه احاطه یه مقتدر اولان فکر و عقیده
 آرا مشلر ایدی . بناء علیه اخلاق ، یالکز آنی احاطه و ادراک مقتدر
 اولان بر قسم قلیله منحصر قالور سقراط و افلاطونک شا کردلمی بونک
 حدودینی تجاوز و توسیعه چالشمشار ایهده هیچ بریمی بوقاعده اساسیه
 مخالفت ایتمه مشلر ایدی . ایلمک دفعه ایلهرق آریستوت ایلمک سلفک بوقناعت
 فکریه سی خارجه چیقمنی قصد ایتمشدر . فی الحقیقه آریستوت خلقلک -
 ایلمی ضمه ایله - اخلاقدن اول و آندن خارج بر صورتده موجود اولدیفنی

بیان ایتشیدی ؛ آریستوتله نظراً اخلاقیاتك منبجی ادراك صرفده دكل ،
 بلكه روح بشرك قوای حساسه و غیر مدرک سنده در ، اخلاقیات ؛ جذوری
 خلق - ایکی ضمه ایله - واحتراساتدن اخذایدر ؛ الحاصل اخلاق علمدن
 عبارت دكل ، بلكه اعتیاد اتده مند مجدر . آنك ایچون آریستوتله كوره
 « فضیلتكار اولوق ایچون فضیلتك معناسنی بیلمك کافی دكلدر ، بلكه افعال
 فضیلتكاری نی اجرا ایلمكدر . » قوه حساسیه بوراده فعالیت و ادراك
 قدر حازر علاقه در . بناءً علیه « فضیلتكار آدم ، خیری اجرادن محظوظ
 اولاندر ، » واقعاخیر ، یالكر عقل ایله تعین ایده بیلور ؛ فقط بوراده کی عقل
 برطاقم نجارب و حسیاتدن مرکب اولان عقل عملیدر كه هر وسیله و فر صتده
 اساساً متبدل و متحول اولان ایکی نهایت محیط آرد سنده کی خیری تفریق
 و حکم ایدر . مع مافیه آریستوت بوفضیلت عملیه و مادونیه نك خارخنده
 برفضیلت عالیله و معظمه اقامه ایدر كه بوراده فكر بشری فكر آلهمی به
 تساوی و تمثل ایدر ؛ و عقل سلیم ، انجیق قارشو سنده دیگر فضیلتك محو
 و زائل اولدیفنی بو نوع فضیاته ادعای لیاقت ایده بیلور .

آریستوت آرزوی تعلمدن متولد بر علم نامیله تسمیه ابتدکی فلسفه
 دائره سنی توسیع ایدر ك بوتون علوم موهومه و حقیقیه ایله تاریخ مستما
 اولوق اوزره فنون مختلطه نی بو كا ادخال ، و بونی بعضاً منطق ایله فلسفه
 ماده ، و معنویه و یا اخلاقیه به و بعضاً فلسفه عملیه و نظریه به تقسیم ایتشدر .
 فلسفه نظریه نك موضوع بحقی حکمت طبعیه و ریاضیات کی اراده مزه
 تعلق ایتمه نك انتظام حقیقیدر ؛ فلسفه عملیه ایسه عارضی و اراده مزه تعلق
 ایلین خصوصاتدر ، و علم اخلاق و علم سیاست علم اقتصادی احتوا ایدر .
 آریستوت فلسفه عملیه نی تحلیل و تدقیق ایده ایده هیئت مجموعه نك
 هدف نظری سعادت نظریه اخلاقیه سنه ارجاع ایدور . بوراده کی نقطه
 اساسیه خیر انفع و یا خود غایه مقصده كوره تكملیدر . غایه مقصد ایسه
 یوقاروده سوبلدیکمز کی عقلك استعمال مکملی - که فضیلت - در .

یونان قدیم تشکیلات اجتماعیه‌شک اساسی اولان شهر- پولی - دخی فرد
کبی عین مقصده خادم اولمق اعتباریله قوه فیکریه یالکزر حکومتده
حکمران اولمق و آندن صدور ایتمک اقتضا ایدر. ایسته آریستوت بورادن
حکومتک بر تأسیسی اولان اسارتک مشروعیتی استنتاج ایتمک ایستدیکی
کبی تربیه یی ده جمعیت سیاسیه‌شک بر مقصدی حاله ارجاع ایدیور.

آریستوتک اخلاقی که افلاطونک فلسفه‌سندن بوسوتون تباعد
ومسلك مادیت طوغری قریب ایستیلر. بونلر آره‌سندن آریستوتک
کندی وارثی و خلفی تسمیه ایستدیکی « ارسوس » لی « ته ثوقراست » ایله
ردوسی « اودهم » ، سینالی « دیسه آرق » ، تارانتلی « آریستوقسه‌ن » ،
هراقلید ، استراتون ، دهمتریوس « فالرلی » ، لیقون ، هیرویم « ردوسی » ،
آریستون ، قریتولائوس و صور شهرلی « دیودور » مشهورلیدر. فقط
بونلرک هینچ بریسی علم اخلاقده « اییکور » کبی بر مکتب مستقل
تأسیس ایتمه مشلردر.

آهنده کی باغچه‌لرنده کندی فلسفه‌سنی تعلیم ایله کسب اشهار ایدن
اییکور ، حسلرک احتیاجاتنه قارشی ضعف و مسامحه ایله حرکت ایدر.
فقط انکار باطلیه و خرافاته اهمیت ویرلمه‌سنی توضیه ایدر. اییکوره
کوره فلسفه انسانی عقل واسطه‌سینه سعاده طوغری سوق ایتمکدر ؛
اخلاق آنک باشلی قسمیدر، دیگرلری قهرعاندیر. اییکور طلبه‌سنی عقل
سلیم واسطه‌سینه مسعودیت حقیقیه ایصال ایتمک املنده‌در. اساسی
مسلك حظی مؤسی آریستیدن اقتباس ایستدیکی فلسفه‌سنه نظراً آریستپ
کبی بوتون افعال و حرکات بشریه‌شک منیعنی حظ ویا المله ارجاع وطییعت
بشریه‌ده اخلاق موجودیتی رد و انکار ایتمکله اکتفا ایتمز. بونک مقصدی
بوسوتون بشقه‌در: بونک فلسفه‌سی انسانلره اسرار مسعودیتی کشف و اظهار
ایتمکدر. بزم مسعود اولمق لغزه مانع اولان شیر بزم آرزو واضطرابلر مزدر
موهوم بر طاقم خیرلر آرقه‌سندن قوشارز ، باخصوص موهوم وخیل

فناقلردن قورقارز. مسعود اولق ایچون بيلمك كفايت ايدر كه بر طرفدن مقدارتمزك صاحب مستقی بولنیورز ، معبودلك حكم واستبدادی قدر (کوریلنیور كه بوراده آریستوت و افلاطون کی بترستلك معتقداتنه قدری بر جریان فکری وارد) قوانین طبیعتدن خلاصیاب اولدق ؛ دیگر طرفدن ده اصل و دائمی اولان حظ ، بوتون بوتون منفی و سهل الاستحصال اولان حظدر كه فكر و وجودك استراحت تامه سندن تحصل اینددر .

ایکوره نظراً « بر آریه اكمی و بر آرز صو ایله عاقل آدم مسعودیجه ژوپتره تنوق ایده بیلور » فقط بورادهده کورولنیور كه اخلاق یوگسك سویه فکریله منهصر قالیور بواساس اخلاقی حی ایده بيلمك ایچون یوگسك بر سویه علمییه ارتقا لزومی کورولنیور . مع مافیه ایگوزك فلسفه اخلاقیه سی اعتقاد نفس و مسئولیت شخصیه اساسی توصیه و تائیس اتمك حسیله تاریخ ترقیات فکریدهده بویوك بر اهمیتی حازدر . کندیسی اصنامك بازیمجه آمالی ، مسعودیتی آنلرك محصل عنایتی عد ایدن بر جمعیت محیطنده بوترقی فکری بك بویوكدر وفکری تحدید ایدن دائرة محدوددی کبره ساعی بر عنصر اساسی تشکیل اتمشدر .

قرون قدیمه نك اك راج وزنکین ، اك دواملی فلسفه اخلاقیه سی ستوتیق مسلکی تشکیل اتمشدر بونك مؤسس زدنون اولدینی حالده ایقته و روما ایمراطورلردن مارق اورمل طرفدن توسیع و تمیم ایدلمشدر . خرساتیانلغك ظهورندن صکره ستوتیق فلسفه سی بر مدت منخسف اولدندن صکره رد فورمه صرده سنده تکرار ظهور اتمش وقانت فلسفه نك اساسی تشکیل اتمشدر . آنك ایچون بوفلسفه نك تاریخچه سی عموم تاریخ فلسفه ایله قاریشور .

زهنون ، فلسفه سی آینه ده « ستوا » قایوسی آلتنه کزدرك تعلیم ایدر ایدی . شاگردلری بك چوق ایدی . بونلر میاننده بالخاصه طاشوزلی قله آنت شایان ذکر دزكه مومی الیه مدار معیشتی کیجه وقتی باغچه لره صو

طاشیغله تدارك ايدر، وبومساعي شاقه دن متحصل مکتسبات نقدیه سنک بر قسمی خواجیه سی زه نون ایله تقسیم ایله ایدی .

یونانستان قدیمه وروماده رواجیاب اولان ومؤخرأ قرون وسطاده تنگ رارظهورایدن بوفلسفه ، اساسلری سقراط، افلاطون ، آریستوت، آنتیستهن فلسفه لر دن اقتباس ایتدیکی جهته صوگ درجه مشوشدر . بوفلسفه اخلاقیه علوم طبیعییه شدتله مرتبطدر . مع مافیه بوفله فهدیه شایان دقت بر نقطه واردرکه ستوئیکلر حکمت طبیعییه و اخلاق تعلیمی کیفیتنی اخلاقک موجودیتی ایچون ضروری عدا یتزلر . چونکه بونلرک نظرنده فکر ، فعلدن دها آز حائر اهمیتدر . فضیلت ساحی آدم ، خالقنه امتثالاً ، صرف مساعی و مجادله یتکه مکلفدر . بوتون مدت حیاتنده تحقق ایتدیره جکی آهنگ انتظام ، افعال و حرکاتی ایله طبایعیتک اتحادی آرزوی قلبی و دانیسنک خارجه کی انطباعاتی تشکیل ایدر . اشته انسان هر وقت کنیدیسی حادثات خارجهیه قارشیتین و سربست بر حالده بولوندرمق ایچون روحندن بوتون حرکات احتراصاتکارانه یی توقیف و دفع ایدر . فقط فضیلت حقیقیه بزه به قدر طوق بشردن خارج ونادر کورونورسه کورونسون ، سوق طبیعی ایله و احتمال بوندن دها اشاعی بر طبقه دن باشلایان تکمل بشرینک صوگ قدمه سنی تشکیل ایتمز : بو ، طبیعتک تکمیلی ، زیتیدر . آنک ایچون بر قوه خارقه تأییدییه محتاج دکلدی مکافاتنی کنیدیسی بالذات بولور .

کوریلورکه ستوئیک مسلکده کلنجهیه قدر بوتون مسالک اخلاقیه آز جوق حظ اوزرینه استناد ایدیور ایدی . بو مسلکده حظ اصلا اساسی تشکیل ایتبور ، بو مسلکده فلسفه تکمل بشریدن عبارتدر ، بوده هم فکرأ وهم افعلاً تجلی ایدر . فلسفه اخلاقیه سی ایسه عقل و سربستیدن عبارت ارلان طبایع اصلیه بشریه نک تکملنه ، قانون طبیعی ایله قانون عینیک اشتراکی اساسنه استناد ایدر . بو فلسفه نک ایلک

توصیه‌سی: «مکمل تنظیم ایدلش قانون عقلی به کوره یاشامق» و یا خود: «طبیعت امتالا یاشامق» در. چونکه بشرک غایه‌سی بودر، فضیلت ده بوندن عبارتدر. بو مذهبک قواعد اصلیه‌سی بوجه آتیدر:

۱ — اخلاق، فضیلت، قیمت حقیقیه‌ی حائر اولان خیریکانه‌در، رذیلت یکنانه شر حقیقیدر؛ بوندن ماعداسی اهمیتزدر (بواساس مذهب کلّی ایله متقاربدر، و آندن مقتبدر.)

۲ — فضیلت؛ حر، مستقل، طبیعت ایله متناسب و آخنکدار اولان عقلک افعال دائمه و معتاد سیدر؛ عقل یالکیز آکلامق ایچون دکل، بلکه هم آکلامق و هم خیری یایمق ایچون تطبیق و استعمال اولنور. رذیلت؛ ملاحظه‌سز و بهیمی برطرز حرکتدر، اوله برضه‌قدر که عقلی ترک و اهمال ایدرک الک عادی و سفیل سواثق طبیعیه به ترک نفس ایتمکدر.

۳ — یالکیز فضیلت، زی بوتون کردباد حیاتیده بکله دیکمز موعودیته ایصال ایدر. احتراصات یالکیز عقل طرفدن مغلوب ایدله‌ماید، بلکه روحدن کاملاً طرد اولنماید. ایشته عاقلک مکملیتی بوندن ایلری کلور.

۴ — ایکی نوع انسان وارددر: ایولر و کوتولر، عاقلر و بیطالر. ستوئیکلرک عاقلی بر نوع معبوددر که کندینه کوره قادر کلدرد و آلاش دنیویه، فضیلتی اخلاص ایده‌جکی زمان اختیاریه بورادن چکلکم حریت تامه‌نه مالکدر.

روما جمعیتی اساساً بحارب بر جمعیت اولدینی ایچون باشلی باشنه بر میلک فلسفی اخلاقی تأسیس ایده‌مه‌میشدر. حتی فلسفه رومایه یونانستانک فتحندن صکره داخل اولمشدر. مبادیده سیاسی ممنوعیتلره رغماً افلاطون فلسفه‌سی رومایه دخول ایتدیکی کبی لوکوللوس ایله سیللانک نقل ایتدیکی کتبخانه‌لردن صکره ایسکور فلسفه‌سی ده‌ها زیاده انتشار ایتمشیدی چونکه سفیه وزنکین رومایه فکر معاد ایله و تخطر معبود ایله الک آرز علاقه‌دار اولان بو فلسفه اخلاقیه پک مناسب ایدی. فقط استوئیک مسلکی

قدر هیچ بزمسلك روماده جای قبول وانتشار بوله مامشدر . بومسلك ، روماقانونلرندهده شایان نظر دقت بر تأثیر ایقاع ایتدکدن ماعدا دها عملی برشکل آلمشدر . بوفلسفه نك روماده کی معقب وسالکری آتہ نودور ، موسونیکوس روفوس ، آنوس قورناتوس (که بونلرک ایکسی نرون طرفندن رومادن طرد ایدلمشرایدی) ، مصرلی قرہ نوم ، دیون قریزوستوم ، بالخاصه فلسفه اخلاقیه سیله مشہر اولان نرونک مریشی قرطبہ لی سنق ، اساساً اسیر اولدینی حالده حکمدارلر قدر اصالت وحریت روحیه اراہ ایدن ، ورومادن طرد ایدلمی اوزرینہ نیکیبولیده برمکتب تأسیس ایلینہ ایقمت ، وبونک شنا کردی آریہن ، ونخت حکمداریسنده فضیلت نقطه سندن اسیر ایقمتہ معادل بر مرتبہ یه ارتقا ایدہ ییلن مارق اورل ... در . چیچرون دخی اخلاقده زنون فلسفہ سی قبول ایتش ، مع مافیہ آریستوت وحتی ایکور فلسفہ لری ده مهمل بر اقامشدر . ذاتاً آریستوت وافلاطون فلسفہ لری نكده روماده معقب لری پك چوقدر .

روماده افلاطون فلسفہ سی تعقیب ایدنلر میانده ردوسلی آندرو - نیکوسدن - که روماده آریستوت فلسفہ سی ده تعمیم ایتمشدر . صکره مدللای قراتیب ، شاملی نیقولا ، قسہ نارق - که بونلرک ایکسی ده روماده اوکوست زمانده درس ویرمشلر ایدی - ، نرونک مریشلرندن بری اولان آلساندرا کوس ، اسکندریه لی آمونیوس ، سیریانوس و سیمپلیسوس تعداد اوله بیلور .

نام وشهرتی وفلسفہ سی رومالیرجه معروف اولان پیتاغورک دخی روماده برچوق شاگردلری وار ایدی :

روماده « یکی افلاطون » مکتبی ده تأسس ایتمشیدی که بومکتب اوکوست زمانده تأسس ایدرک افلاطونک فلسفہ سی تتیم ایتش وپیتاغور و آریستوت فلسفہ سیله مزج ایشدر . مندسلی ترازیل ، از میرلی توئون ، غالیه نك استادی آلینوس ، آدریه نك مریشی پلونارق ، طیب غالیه ، غالی فاوورنیوس بومکتبه منسوب ایدیلر .

کریده غنوس شهرنده متولد اولان « اندزیدم » چیچرون زمانده
مسلک ریجی تجدید واحیا ایتشدرد. مومی الیه هر نوع محاکمه فکریه
قطعی رد وانکار ایچون بوجه آتی اون شبهه سببی ایراد ودرمیان
ایتشدرکه بوسیدلرک ایرادی « پررون » دده اسناد اولونیور :

- ۱ — حیوانلرک تخالفندن وتنوعندن
- ۲ — شخصاً نظراعتباره آلدقلمری تقدیرده انسانلرک تنوعندن
- ۳ — تشکلات ماده دن
- ۴ — ماده نك احوال وشرائط متحوله سندن
- ۵ — وضعیاتك، بعدومسافه نك تحولندن، شرائط مختلفه اجتماعیه دن
- ۶ — اشیانك بزه منظور اولدنی شکل خلوط وشرکدن
- ۷ — اشیانك حجمك وتشکلاتنك تنوعندن
- ۸ — اشیانك آزارنده کی مناسبندن
- ۹ — احتیاساتك اعتیاد اتندن ویا ابداعاتندن
- ۱۰ — تربیه ماده نك وتشکلات اداریه نك تأثیر اتندن

اندزیدم ایتشه اشیا واشخاصده مشهود اولان بوتخالف وتنوعندن
طولانی هیچ برشیتك قطعی ومحقق عد اولنه میه جغنی ، کوردیکیز. حس
ایتدیکیز. هر هانکی شیتك حقیقت حاله توافقی ادعا ایدیه میه جکر بیان
ایدر. مومی الیه دن صکره اکثریسی اطبادن اولمق اوزره برچوق مسلك
ریجی منسوبینی ظهور ایتشدرد. بونلردن یالکیز قاوورنیوس ، آغریپا ،
ایز میتلی منودودت ، امپیری کوس نامیه ملقب اولان سقستوس — که
بونك قول مشهورنجه « هیچ برشی دیکرینه قابل ترجیح دکادر . » —
نام ذواتی تعداد ایدرز.

اسکندریه مکتبی بوتون مسلك فلسفیه نك تعلیم ایدلیدیکی بر محیط
تشکیل ایتش ، مع مانیه بومکتب شرق فکر لریده ازدواج ایدرک ایران
وخی اسرائیل اعتقادات وخرافاتیه مزج ایتشدرد .

بو قیلدن اوله رق غنوس تیق دنیلن و بوتون سرائر الوهیت و خلقت عالم حقنده معلومات حقیقیه یی حائر اولدقلرینی ادتا ایدن و حقیقت حالده بو بایده کلدانی و ایرانیلرک معقده اتی یونان و خرسیتیانلق معقده اتیه صریح ایله ین مکتبی ذکر ایده بیلوروز. اکثریسی شرقدن کلن غنوس تیقلر خرسیتیان اولقله برابر مرهتد عد ایدملشر ایدی .

کیرلی عنعنه لر ایله اسرائیللر آره سنده انتشار ایدن « قابل » نام اثرده هرشی حقنده معلوماتی محتوی برخلیطه فکریه در مع مافیه بوراده افکار دینیة ایرانیه محسوسدر. موسویلر « قابل » ی برسر اوله رق عصر لرجه مدت حفظ ایتدیلر ، تاریخ نشاتی و تحریری برطایم اساطیر و خرافاته قدر قاریشیور . اوروپالیلر بواثرک موجودیتدن انحق اون بشنجی عصر میلادیده خبردار اوله بیلملشر در .

دیگر طرفدن عربلرک نشریات و آثاریده آزجوق اوروپاده انتشار ایدیور ایدی . بوخلیطه فکریه بوتون قرون وسطایی برطایم تصوف مسلك دینی و اخلاقیلری ایله املا ایتمشدر که بونی شرح و تفصیل حقیقت حالده مسلك اخلاقیك دائره اشتغالاتی میاننه داخل اوله ماز . چونکه بوتلرک هر بریسی ده یکی بر فکر اخلاقی وضع و تائیس ایتهمش ، بلکه اساسی خرسیتیانلغه مستند اولق اوزره برطایم افکار و نظریات تصوفیه دن باحث بولمیشدر .

آنک ایچون مسلك اخلاقیه تاریخی بحثنده اوزون عصرلری سرعتله مرور ایدرک و قرون وسطاده بک آز توقف ایلیه رک قرون جدیدیه انتقال ایتک انتضا ایدر .

قاضی کوی فی ۱۹ مایس سنه ۱۳۲۷

ربیع ثوری

